



ERMUKO UDALA
AYUNTAMIENTO DE ERMUA

3. Ordenantza Fiskala Trakzio mekanikodun ibilgailuen gaineko zerga

I. XEDAPEN OROKORRA

1. ARTIKULUA

Bizkaiko Lurralde Historikoko Toki Ogasunak araupetu dituen abenduaren 16ko 2005/9 Foru Arauan eta Trakzio Mekanikoko Ibilgailuen gaineko Zergari buruzko ekainaren 30eko 7/1989 Foru Arauan xedatutakoarekin bat etorritik, Ermuko udalerrian Trakzio Mekanikoko Ibilgailuen gaineko Zergaren ordainarazpena araupetu da, ekainaren 30eko 7/1989 Foru Arauan eta honako zerga ordenantza honetan xedatutakoaren arabera.

II. IZAERA ETA ZERGA-EGITATEA

2. ARTIKULUA

1. Trakzio Mekanikoko Ibilgailuen gaineko Zerga zuzeneko zerga da. Bide publikoetatik zirkulatzeke gai diren trakzio mekanikoko ibilgailuen titulartasuna kargatzen du, ibilgailuen mota eta kategoria edozein direlarik.

2. Zirkulaziorako gai den ibilgailutzat joko da erregistro publiko egokietan matrikulatua izan dena, berauetan baja ematen ez zaion bitartean. Zerga honen ondorioetarako, aldi baterako baimena duten ibilgailuak eta turismo matrikula dutenak ere zirkulatzeke gai diren ibilgailutzat joko dira.

3. Ondokoak ez daude zerga honen pean:

a)Modeloaren antzintasunagatik erregistroetan baja emandako ibilgailuak, baldin eta, beraientzat bakarrik antolatutako erakusketa, lehiaketa edo lasterketak direla eta, zirkulatzeke baimena aman ahal bazaie salbuespen gisa.

b)Trakzio mekanikoko ibilgailuek daramatzaten atoi eta erdiatoiak, baldin eta horien zama erabilgarria 750 kg-tik gorakoa ez bada.

III. SALBUESPENAK ETA HOBARIAK

3. ARTIKULUA

1. Ondokoak zergatik salbuetsita daude:

a)Estatuaren, Euskal Autonomia Erkidegoaren, Lurralde Historikoaren eta toki erakundearen ibilgailu ofizialak, defentsarako edo herritarren segurtasunerako erabiltzen badira.

b)Ordezkaritza diplomatiko, kontsul bulego, agente diplomatiko eta karrerako funtzionario kontsular kreditaziodunen ibilgailuak, baldin eta dena-delako ordezkari-tza diplomatikoa daukan

herrialdeko hiritarrek erabiltzen badituzte eta kanpoaldean identifikazio-ezaugarria jartzen bazaie, eta elkarrekikotasunaren baldintzapean, norainokoari eta graduari dagokienez.

Halaber, Espainiako Estatuan egoitza edo bulegoa duten nazioarteko erakundeen ibilgailuak eta diplomazi estatutua duten beraien funtzionario edo kideenak.

c) Nazioarteko itunen edo hitzarmenen bidez salbuetsita dauden ibilgailuak.

d) Anbulantziak eta osasun-laguntzako ibilgailuak, eta zaurituak edo gaixoak garraiatzeko erabiltzen direnak.

e) Mugitzeko eragozpenak dituzten pertsonentzako ibilgailuak, abenduaren 23ko 2822/1998 Errege Dekretuaren bidez onetsitako Ibilgailuen Araudi Orokorreko II. eranskineko A letran adierazitakoak.

Halaber, salbuetsita daude pertsona urrituen izenean matrikulatuta egonik, beraiek bakarrik erabiltzeko diren 14 zaldi fiskal baino gutxiagoko ibilgailuak. Salbuespena baldintza horiek berdin dirauten bitartean aplikatuko da, bai urrituek gidatutako ibilgailuen kasuan nola horiek erabiltzeko ibilgailuak direnean.

Nahiz eta ibilgailu bat baino gehiago eduki, idatzi-zati honetan jasotzen diren salbuespenak ibilgailu baten kasuan bakarrik aplikatuko zaizkie subjeto pasibo onuradunei.

Letra honetan ezarritakoa aplikatzerakoan, urritasuna duten pertsonatzat ondorengoak hartuko dira:

a') %33ko desgaitasuna edo handiagoa eta % 65ekoa baino txikiagoa aitortuta duten pertsonak, mugikortasun urriko gabezia-egoeran badaude. Halakotzat hartuko dira urriaren 18ko 888/2022 Errege Dekretuaren mugikortasun-jardueren mugen azpi-baremoan (BLAM) %25eko edo gehiagoko mugikortasun-muga dutenak (888/2022 Errege Dekretua, urriaren 18koa, Desgaitasun-maila aitortzeko, deklaratzeko eta kalifikatzeko prozedura ezartzen duena).

b') % 65eko desgaitasuna edo handiagoa dutenak.

Zerga-zaldien muga hori, betiere ibilgailua gorpil-aulkiarekin erabiltzeko egokituta badago, ez zaie aplikatuko aurreko a') eta b') letretan aipatutako pertsonen, baldin eta mugitzeko gaitasuna murriztua izanik mugikortasun-jardueren mugen azpibaremoan (BLAM) guztira %75eko mugikortasun-muga edo handiagoa lortzen badute. Azpibaremo hori urriaren 18ko 888/2022 Errege Dekretuak arautzen du, zeinak desgaitasun-maila aitortu, deklaratu eta kalifikatzeko prozedura ezartzen duen.

Salbuetsita geratuko dira, halaber, % 65eko edo hortik gorako desgaitasun-maila duen pertsonaren bat guraso-ahala, tutoretza edo kuradoretza dela-eta bere ardurapean dutela egiaztatzen duten ibilgailuak. Ibilgailu baten baino gehiagoren titular izanez gero, salbuespena ibilgailu bati bakarrik aplikatuko zaio.



ERMUKO UDALA
AYUNTAMIENTO DE ERMUA

3. Ordenantza Fiskala Trakzio mekanikodun ibilgailuen gaineko zerga

Hemen ezarritako salbuespenak arautuak dira eta erreguzko izaera dute. Salbuespenok udal organo eskudunak espresuki emandako administrazio-egintza bidez emango zaizkie beharrezko baldintzak betetzen dituzten subjektu pasiboek, beraiek eskatu ondoren. Eskatzaileak ondorengodatuak jaso beharko ditu bere eskabidean: ibilgailuaren ezaugarriak, matrikula eta beharizanaren zergatia, honako dokumentuekin batera:

- Zirkulazio-baimena.

-Minusbaliotasuna egiaztatzen duen agiria, Bizkaio Foru Aldundiko organo eskudunak emandakoa; ez da nahikoa izango minusbaliotasunak baloratzeko taldeek egindako irizpen teknikoa aurkeztea.

-Ibilgailua minusbaliotuaren erabilerarako bakarrik izango dela adierazten duen zinpeko aitorpena.

Udal Administrazioak salbuespena onartu eta gero, berau egiaztatzeko agiria emango zaio interesatuari.

Oro har, salbuespena emanez gero, eskatu den urtearen ondoko ekitaldian izango ditu ondorioak; ez du atzeraeraginik. Hala ere, zergaren errolda behin betiko onetsi aurretik eskatzen bada zerga-onura, ezinbestekoa izango da zerga-zorra sortu den egunean aplikatzeko betekizunak betetzea.

f)Hiriko garraio publikorako autobusak, mikrobusak eta gainerako ibilgailuak, bederatzi plaza baino gehiago dituztenak, gidaria barne.

g)Nekazaritzako Ikuskapenaren Txartela duten traktoreak, atoiak, erdiatoiak eta makinak.

h)Unibertsitate publikoei atxikitako ibilgailuak.

Salbuespen hau aplikatu ahal izateko, interesatuek eskatu egin behar dute, eta, horretarako, ibilgailuaren ezaugarriak, matrikula eta onuraren arrazoia azaldu behar dituzte. Udal Administrazioak salbuespena onartu eta gero, berau egiaztatzeko agiria emango zaio interesatuari.

2. Trakzio Mekanikodun Ibilgailuen gaineko Zergaren kuota %4ko hobaria egingo zaie aldian behingo ordaingagiria zergaren zorrarazpen-eguna (urtarrilaren 1a) baino lehen ordaintzeko finantza-erakunde baten helbideratuta daukatenei.

Edozein arrazoiengatik kobratzeko garaian ordainagiria itzuliko balitz, galdu egingo litzake bonifikazioa eskuratzeko eskubidea, eta zergaren zenbateko osorik ordaindu beharko litzake.

3.Ibilgailu Historikoen Araudian zehaztutakoarekin bat, historikotzat katalogatutako ibilgailuek trakzio mekanikoko ibilgailuen zergaren kuotaren % 100eko hobaria izango dute, baldin eta probintziako trafiko-buruzagitzako ibilgailu historikoen erregistroan ageri badira.

4.Trakzio mekanikoko ibilgailuen gaineko zergaren kuotan % 50eko hobaria izango dute erabat elektrikoak diren ibilgailuek eta eguzki-energiatz soilik dabiltzan ibilgailuek.

5.Ibilgailu hibridoek (motor elektrikoa-gasolinazkoa, elektrikoa-diesela, elektrikoa-gasezkoa) trakzio mekanikoko ibilgailuen kuotaren % 60eko hobaria izango dute, matrikulatu eta lehenengo bost urteetan.

6.Ibilgailua matrikulatu eta lehenengo bost urteetan trakzio mekanikoko ibilgailuen zergaren kuotaren %50eko hobaria aplikatuko zaie gasolina-glp bidez bultzatutako ibilgailuei.

Hobariok 15,99 zaldi fiskalak gaituzten ez dituzten turismo-ibilgailuei aplikatuko zaizkie. Muga hori ez zaie aplikatuko 4. puntuari adierazitako ibilgailu erabat elektrikoak eta eguzki-energiatz soilik dabiltzan ibilgailuei

7.Zergaren kuota hoberi bat jasotzeko eskubidea izango dute, zergaren sortzapen-datan indarrean dagoen Lanbide arteko Gutxieneko Soldatari (LGS) dagokion Familia Errenta Estandarizatuaren mailaren arabera, indarreko legeriaren arabera familia ugaritzat jotzen den familiako kideren baten titulartasunpeko ibilgailuek, betiere honako baldintza hauek betetzen badira:

Bost plaza edo gehiagoko turismo-ibilgailua izatea eta 15,99 zaldi fiskal edo gutxiagoko potentzia edukitzea.

Subjektu pasiboa eta familia-unitateko gainerako kideak ERMUAKo udalerrian erroldatuta egotea beren ohiko etxebizitzan, aurreko ahaideak bananduz gero familia ugariari buruzko araudian xedatutakoari kalterik egin gabe.

Hobari horrez gozatu ahal izateko, dagokion eskaera aurkeztu beharko da ondoreak sortuko dituen zergaldiaren aurreko ekitaldian, honako dokumentuekin batera:

- Indarrean dagoen legeriaren arabera, familia ugariaren tituluaren fotokopia, Bizkaiko Foru Aldundiak emana.

- Ibilgailuaren azterketa teknikoko txartela.

Familia ugariako kideek Ogasunean aurkeztutako azken errenta aitortpenaren fotokopia. Ez badute errenta aitortpena egin beharrik, Ogasunak emandako ziurtagiria aurkeztu beharko dute, baita erakunde berak egindako dokumentua ere, errentaren datu fiskalak jasotzen dituenak.

- Familia-unitatea osatzen duten pertsonetako batek % 33ko edo gehiagoko desgaitasuna edo mendetasun-egoera aitortuta badu, Autonomia pertsonala sustatzeari eta mendetasun-egoeran dauden pertsonak zaintzeari buruzko abenduaren 14ko 39/2006 Legearen eta haren garapen-arauen arabera, 154/2012 Dekretuaren araberrako koefizienteak aplikatzeko egiaztapiriak.



ERMUKO UDALA
AYUNTAMIENTO DE ERMUA

3. Ordenantza Fiskala Trakzio mekanikodun ibilgailuen gaineko zerga

Hobaria baliatzeko epea familia-unitatea familia ugaria den bitartean izango da, familia-errenta estandarizatuan eta hura baliatzeko beharrezko baldintzetan aldaketarik gertatzen ez den bitartean. Subjektu pasiboak horren inguruko aldaketa guztiak jakinarazi beharko ditu, eta Administrazioak eskubidea izango du hobaria ezartzeko beharrezkoak diren baldintzak betetzen direla ofizioz egiaztatzeko, dagozkion likidazio osagarriak eta berandutze-interesak igorritik, hobaria behar ez bezala baliatu dela egiaztatzen bada. Hala ere, egoki diren aldaketak gorabehera, familia ugariaren titularen iraungitze-data hartuko da hobariaren amaiera-datatzat.

Familia-errenta estandarizatua zehazteko, Familia-politiken eremuan familia-errenta estandarizatzeko sistemari buruzko Eusko Jaurlaritzaren uztailaren 24ko 154/2012 Dekretuan araututakoaren arabera, familia-errenta (zerga-oinarri orokorra gehi PFEZren aurrezpenaren zerga-oinarria) zati familia-unitatearen baliokidetasun-koefizientea egingo da. Koefiziente hori familiako kide bakoitzari dagozkion koefizienteen batura izango da, honako hauen arabera:

- Subjektu pasibo eskatzailea: 1,00
- Ezkontidea edo bikotekidea: 0,5
- Ezkontiderik edo bikotekiderik gabeko eskatzailea: 1,3
- Seme-alaba bakoitza: 0,30
- % 33ko desgaitasuna edo handiagoa duen seme-alaba bakoitza: 0,60

Hobari-ehunekoak honako hauek izango dira:

- LGSa, bi aldiz gehienez: % 50
- LGSa 2 aldiz baino gehiago eta 2,5 aldiz gehienez: % 25
- LGSa 2,5 aldiz baino gehiago eta 2,75 aldiz gehienez: % 10

Hobari hori ibilgailu bakar batf aplikatuko zaio familia bakoitzeko, eta ez da bateragarria izango ibilgailu berarentzako Trakzio Mekanikoko Ibilgailuen gaineko Zergan beste inolako zerga-onurarekin.

Hobari-eskaerak borondatez ordaintzeko epean aurkeztu beharko dira Udaletxean, edota borondatezko epea amaitu eta hurrengo egunetik aurrera, hilabeteko epean. Hobari-eskaerari zirkulazio-baimena erantsi beharko zaio, eta ibilgailu historikoen kasuan Trafikoko Probintziako Buruzagitzaren ziurtagiria.

IV. SUBJEKTU PASIBOAK

4. ARTIKULUA

Zerga honen subjektu pasiboak dira Zergei buruzko Foru Arau Orokorraren 34. artikuluan ageri diren pertsona fisiko edo juridikoak eta erakundeak, zirkulazio baimenean ibilgailua beraien izenean agertuz gero.

V. KUOTA

5. ARTIKULUA

1. Tarifen taula honen arabera eskatuko da zerga:

POTENTZIA ETA MOTA	EUROAK
A) TURISMOAK	
8 zaldi fiskaletik	33,40
8 zaldi fiskaletik 11,99ra	90,40
12 zaldi fiskaletik 13,99ra	159,60
14 zaldi fiskaletik 15,99ra	192,35
16 zaldi fiskaletik 19,99ra	237,45
20 zaldi fiskaletik gora	299,45
B) AUTOBUSAK	
21 plaza baino gutxiagokoak	220,50
21-50 plaza bitartekoak	314,05
50 plaza baino gehiagokoak	392,55
C) KAMIOIAK	
1.000 kg-tik beherako karga erabilgarria	111,95
1.000 kg-tik 2.999 kg-ra arteko karga erabilgarria	220,50



ERMUKO UDALA
AYUNTAMIENTO DE ERMUA

3. Ordenantza Fiskala Trakzio mekanikodun ibilgailuen gaineko zerga

POTENTZIA ETA MOTA	EUROAK
3.000 kg-tik 9.999 kg-ra.	314,05
9.999 kg-tik gorako karga erabilgarria	392,55
D) TRAKTOREAK	
16 zaldi fiskal baino gutxiagokoak	46,75
16 zaldi fiskaletik 25era	73,55
25 fiskaletik gorakoak	220,50
E) ATOIAK ETA ERDIATTOIAK	
1.000 kg-tik beherako karga erabilgarria	46,75
1.000 kg-tik 2.999 kg-ra arteko karga erabilgarria	73,55
2.999 kg-tik gorako karga erabilgarria	220,50
F) BESTE IBILGAILU BATZUK	
Ziklomotorrak	11,70
125 cc arteko motozikletak	11,70
125 cc-tik 250 cc-ra bitarteko motozikletak.	20,10
250 cc-tik gora eta 500 cc-ra bitarteko motozikletak.	40,10
500 eta 1.000 cc bitarteko motozikletak	80,15
1.000 cc-tik gorako motozikletak.	160,35

2. Kuoten taula Bizkaiko Lurralde Historikoaren Arrekontu Orokorrei buruzko Foru Arauaren bitartez aldarazi ahal izango da.

3. Ibilgailu mota zehazteko, arau bidez ezartzen denari jaramon egingo zaio, eta gainera kontuan hartuko dira ondoko arauak:

a)Furgonetatzat ondokoak joko dira: pertsonak eta gauzak batera garraiatu ahal izateko moldatutako turismo-ibilgailuak, zenbait eserleku eta kristal kendu zaizkienak, ateen neurriak edota kokaera aldatu, eta bestelako aldaketak egin zaizkienak, baina jatorrizko ibilgailuaren modeloaren ezaugarriak funtsean aldatu gabe. Furgonetengatik turismoak balira bezala ordainduko da zerga, euren zerga-potentziaren arabera, ondoko kasuetan izan ezik:

1go. Ibilgailua bederatzi pertsona baino gehiago, gidaria barne, garraiatzeko gaiturik badago, autobus modura ordainduko du zerga.

2gn. Ibilgailuak 525 kg-tik gorako zama erabilgarria garraiatzeko baimena badu, kamioi modura ordainduko du zerga.

b)Zerga honen ondoreetarako, motogurdiak motozikletatzat joko dira, eta, beraz, euren zilindrajearen edukieraren arabera ordainduko da zerga.

c)Ibilgailu artikulatuak direnean, zerga aldi berean eta bereiz ordainduko da arraste-indarra duen ibilgailuagatik eta herrestan daramatzan atoi eta erdiatoiengatik.

d)Euren edukiera dela-eta matrikulatu beharrik ez duten ziklomotor, atoi eta erdiatoiak zirkulatzeko gai diren ibilgailutzat joko dira Industria Ordezkaritzak horren ziurtagiria ematen duenetik, edo ibilgailua zirkulatzen hasten denetik, hala denean.

e)Makina autopropultsatuegatik, alegia, trakzio mekanikoko beste ibilgailu batek gainean edo herrestan eraman gabe herri bidetik berez ibil daitezkeen makinengatik, traktoreei dagozkien tarifen arabera ordainduko da zerga.

f) Zerga honen ondorioetarako auto-karabanek turismoak bezala ordainduko dute.

VI. ZERGALDIA ETA SORTZAPENA

6. ARTIKULUA

1. Zergaldia egutegiko urtea izango da, ibilgailuak lehenengoz eskuratzen direnean edo baja ematen zaienean izan ezik. Horrelakoetan, zergaldia eskuraketaren egunean hasiko da, edo Trafiko Burutzan ibilgailuari baja ematen zaion egunean amaituko da, hurrenez hurren.

2. Zergaren sortzapena zergaldiaren lehen egunean izango da.

3. Ibilgailua lehen aldiz eskuratzen denean edo behin betiko baja ematen zaionean, zerga-kuotaren zenbatekoa hilabete naturaletan banatuko da, alta edo baja ematen den hilabetea barne.

Halaber, kuota era berdinean haibanatuko da ibilgailua aldi baterako baja emanda badago, lapurtu edo ebatsi dutelako; hori guztia aldi baterako baja dagokion erregistro publikoan jasotzen den unetik hasita.

VII. KUDEAKETA

7. ARTIKULUA

Ibilgailuaren zirkulazio baimenean ageri den egoitza zein udalerritan dagoen, hango udalaren eginkizuna izango da ibilgailu horren zerga kudeatzea, likidatzea, ikuskatzea eta biltzea, eta bai zerga-kudeaketan agindutako egintzak berrikustea ere.

8. ARTIKULUA

Udalak zerga hau autolikidazio araubidean ordaintzeko eskatu ahal izango du.



ERMUKO UDALA
AYUNTAMIENTO DE ERMUA

3. Ordenantza Fiskala Trakzio mekanikodun ibilgailuen gaineko zerga

9. ARTIKULUA

Udal administrazioak luzatutako agiria izango da ordainketa egin izanaren frogagarria.

Ibilgailuei baja ematen zaienean, dagokien zati proportzionala ibilgailuaren titularrak eskaera aurkezten duenean itzuliko da, zerga helbideratuta dagoenean salbu, kasu horretan itzulketa ofizioz egingo baita, eta betiere, erakundearekin dituen betebeharrak guztiak beteta baditu. Gero, itzulketen zerrenda egingo da hilerotik, eta dekretuz onartuko da, kontabilitatean jasotzeko

10. ARTIKULUA

Zerga Kudeaketa Zerga-bilketa eta Ikuskaritzako Ordenantzak jasotzen den kobrantza-egutegiaren arabera ordainduko da, hurrengo artikuluan ageri diren kasuetan izan ezik, kasu horietan hurrengo artikuluan xedatutakoa beteko baita.

11. ARTIKULUA

1. Trafiko Burutzari ibilgailua matrikulatzeko, zirkulaziorako gaitasunaren ziurtagiria emateko edo ibilgailuari behin betiko baja emateko eskatzen diotenean, aldez aurretik zerga ordainduta dutela frogatu behar dute. Hamabost urte edo gehiago dituen ibilgailu bati behin betiko baja eman nahi bazaio, ez dago ezer frogatu beharrik.

2. Gauza bera egin beharko dute ibilgailuen titularrek Trafiko Burutzari ibilgailuaren eraldaketaren berri ematen diotenean, baldin eta eraldaketak zerga honen ondoreetarako ibilgailuak duen kalifikazioa aldarazten badu, eta bai ibilgailuaren zirkulazio baimena eskualdatzen dutenean edo bertan ageri den egoitza aldatzen dutenean ere.

3. Trafiko Burutzek ez dute ibilgailuen baja edo eskualdaketei buruzko espedienterik tramitatuko aldez aurretik zerga hau ordainduta dagoela frogatzen ez bazaie.

12. ARTIKULUA

Matrikulazio berrietan, edo ibilgailuari egindako aldaketek zerga ondoreetarako kalifikazioa aldarazten dutenean, interesatuek ondoko agiriak aurkeztu behar dizkiote udal administrazioari, zergaren matrikulari eransteko, matrikulazioa edo aldaketa egiten den egunetik zenbait beharreko 30 eguneko epean:

- a) Zirkulazio baimena.
- b) Ezaugarri teknikoaren ziurtagiria.
- c) NAN edo IFZ

13. ARTIKULUA

1. Zergaren errolda erabiliko da zerga kudeatzeko. Errolda urtero eratuko da, eta bertan agerraraziko dira zerga ordaindu beharra duten subjektu pasiboen izenak eta zerga-egoitzak, eta bai zerga-oinarriak eta emaitzako kuotak ere.

2. Errolda, behin Udalaren Gobernu Batzordeak onetsi eta gero, jendaurrean azalduko da hamabost egunez, zergadunek hura aztertu ahal izan dezaten eta egoki deritzeten erreklamazioak egin ahal izan ditzaten.

14. ARTIKULUA

Zerga honen kuotak Udalak udal zergak banaka edo batera kobratzeko ezarritako ordainagirian edo ordainagiritan sartu ahal izango dira, eta udal administrazioak bankuko helbideratze sistema ezarri ahal izango du zerga kobratzeko.

VIII.AZKEN XEDAPENA

Trakzio Mekanikoko Ibilgailuen gaineko Zerga araupetu duen zerga ordenantza hau 2025eko urtarrilaren 1ean jarriko da indarrean, behin betiko onetsi eta Bizkaiko Aldizkari Ofizialean 2025eko abenduaren 31ko 249 alean argitaratu eta gero, eta indarrean iraungo du harik eta hura aldarazi edo indargabetzea erabakitzen den arte.